

Elenchus supra post *Prologum* adnotatus in textu reipsa non observetur. Ad calcem litera quadrata: *Explicit Liber Prouerbiorum Salomonis Regis.*

Fol. 25. Incipit Capitulatio In Libro Eccl. Censentur Capita XXVIII. quae nobis hodie XII. sunt. Dein: *Incipit Liber Eccl. C. nobis I. v. 6. pro in circulos suos reuertitur* Codex legit: *in circulo suo reuertetur.* Capitulatio rursus infida; textus enim Capita XXX. exhibet. Ad calcem: *Expl. Liber Ecclesiastes,* et continuo

Fol. 32. p. 2. Incipiunt Cantica Canticorum Quod Hebraice Sirasim Dicitur. Nullus hic Capitulum, quae in textu XXXVI. numerantur, praevius Index. Interlocutores hic, ut passim in vetustis Exemplaribus, *Sinagoga, Christus, Ecclesia, Sponsus, Vox adversus Hereses,* quae nomina rubro praenotata sunt. C. nobis VII. v. 8. pro *odor oris tui* Codex scripsit *odores tui.* Ad calcem litera, ut ubivis, quadrata: *Explicit Cantica Canticorum,* et statim

Fol. 36. p. 2. Incipiunt Capitula Libri Sapientie. Numerum haec XLVIII. implent, cum hodie XIX. numeremus. Ad calcem eorum legitur: *Explicit Capitula Incipit Liber Salom. Qui Dicitur Sapientis.* Sed mutilus est, et deficit in his C. VI. v. 15. verbis: *Qui de luce* — —

Innexum est Codici huic Fragmentum aliud membraneum Sec. XIII. Folior. 32. in forma octava, quod absque Autoris nomine primo *Adlocutiones* quasdam breves

ad Clerum praefert. Initium primae est: *Et nunc fratres. quia uos estis presbiteri in populo dei &c.* Ultimae: *Statues levitas in conspectu aaron &c.* sed haec mutila est, habetque post se *fol. 49. capite truncam Symboli apostolici Expositionem,* ut adeo folia quaedam media exciderint, id, quod ex antiqua eorum supputatione patet, quae a numero 294. ad 308. tranfilit. Hic porro expositio verborum: *Omnipotentem creatorem celi et terre &c.* sic infit. *secundum ordinem prosecutionis qui in utroque simbolo proponitur. Hic est tertius articulus de bonitate dei &c.* Ultima sunt: *pertinet ad fidelium fidelitatem et fidei firmitatem. et hec de fide dicta sufficiant.* Expositionem hanc excipit *Sermo de Caritate* quispiam, cujus initium: *Ut possitis scire supereminentem scientiam caritatis dei. Eph. III. Inter omnia necessaria ad salutem maxime necessarium est &c.* sed et hic sermo *fol. 6.* deficit. Itaque nec operae pretium est, in Autorem horum fragmentorum inquirere.

XLI.

Codex chartaceus lat. Sec. XV. 800 Folior. 306. 8. manu corrente, sed non una exaratus, rubricisque notatus complectitur: I. E sacris Literis LL. *Prouerbiorum, Ecclesiastici, Ecclesiastis, Canticorum et Sapientiae,* in quibus nihil singulare. *Prouerbiis* subscriptum: *Finitur liber prouerbiorum. Anno 1464. Ecclesiastico vero:*
Ex-

Explicit Ecclesiasticus per me Sacerdotem Johannem dictum Bohemum Anno domini millesimo quadringentesimo sexagesimo quarto et hoc in Castro Boleslawiensi Capellanum ibidem. Quo anno fuit pestis valida.

II. fol. 152. Congeriem quandam Homiletis, Catechetisque opportunam, quae constat Expositione Orationis dominicae secundum Thomam de Aquino, Salutationis Angelicae, et Symboli Apostolorum, diversis Locis moralibus PP. Definitionibus Vitiis, adjunctis eorum adpellationibus Bohemicis, et Collectione Proverbiorum ethicorum, nullo certo ordine.

III. fol. 200. Orationem invecitivam in Sacerdotes degeneres et immemores officii, quae incipit: *Cogitante me quicquid liceret et expediret loqui &c. Jacobi de Misa* est, et infra recurret.

IV. fol. 225. Farraginem Auctoritatum et Observationum theologiarum de diversis materiis, quas inter *Objectiones communes aduersariorum contra calicem domini*, item *de Communione paruulorum*, et quaedam Bohemica, unde mentem et patriam Compilatoris cognoscas.

V. fol. 272. *De modo artificioso Studendi Intelligendi et Memorandi.* Capitibus VII. constat Opusculum, quorum I. inscribitur: *De organo anime, quo res comprehendit sapit memorat et intelligit.* et incipit: *Magnam cuiuslibet artis vim comparat artifex cum suorum instrumentorum meliora-*

menta in primis coaptat &c. Opportuna literarum Studiosis monita, etiam e Medicorum Schola petita, per decursum adhibentur ab Autore in Veterum lectione fatis versato, cujus nomen ad calcem ita proditur: *Hoc opus terminatum est sub Anno Domini M^o. &c. LVII^o. compilatum per Reuerendum magistrum Martinum.* Quis hic *Martinus*, e *Bob. Docta Balbini* eruere non potui. Certe is in gratiam Academicorum *Pragensium* scripsit.

VI. fol. 287. p. 2. *Tractatus Beati Isidori de honestate vite.* Initium: *Dilecte fili mi dilige lacrimas &c.* Excerpta potius et interpolata e L. II. *Synonymor.* ejus a fine C. V. edit. *Breul.* p. 315. sed et ex aliis ejus Scriptis. Ita, quae sub finem leguntur de *duabus Alis Orationis*, deprompta sunt ex *Orig.* L. VI. edit. cit. p. 83. Ad calcem fragmenti nostri: *Explicit libellus moralis B. Isidori Episcopi de institutione bone vite. Sub anno domini M^o. CCCC^o. LVIII^o.*

VII. fol. 292. Miscellanea theologica resumuntur. Inter quae: *Pro Communione Parvulorum.*

XLII. VII H. 38.

Codex membraneus lat. Sec. 716 X. Folior. nunc 66. 4. caractere partim majore, partim minore exaratus, rubricisque distinctus exhibet: I. *Cantica Canticorum*, et quidem fol. 1. Fragmentum Exempli unius, quod complectitur C. I. *Versus 5 — 11.* tam glossa inter lineas,